

Heinrich Heine,

Libro de la kantoj, Songobildoj VI

tradukita de Manfred Retzlaff

Dum estis dolĉe mi songanta,
Aliris min per fort' sorĉanta
Amata mia karulin',
Per fort' sorĉanta ravis min.

Ĉe la rigard' de l' bela bildo
Min ravis de l' rideto mildo,
Ŝveliĝis tiam mia kor',
Ke diris mi en la furor':

„Mi donos al vi ĉion mian,
Trezoron kaj ŝataĵon ĉian,
Se rajtus esti foje mi
Ĝis morgaŭ amasant' de vi.“

Tre strange tiam min almiris
La belulino kaj ŝi diris
Korvee, milde: „Ho, al mi
Beaton vian donu vi!“

„La vivon ĝoje mi lasintus
Kaj mian sangon mi donintus
Por vi, knabino, vi anĝelo –
Sed ne la savon de l' ĉielo.“

...

Rapide tiu vort' eliĝis
 Kaj bela pli kaj pli fariĝis
 La in', ŝi diris: Ho, al mi
 Beaton vian donu vi!

Obtuze muĝas tiu vorto
 En la orelo kaj per forto
 Eniĝis la animon ĝi;
 Apenaŭ povis spiri mi.

Kaj luktis kun la ar' anĝela
 La aĉa nigrular' malhela:
 Subite ĉiuj estis for,
 disiĝis en nebul-odor'.

Mi preskaŭ por ĝojego svenis,
 Dum en la brakoj mi ŝin tenis,
 Premetis ŝi al mi sin tre,
 Sed ploris pro amara ve'.

Ŝi ploris, mi komprenis tute
 Kaj kisis ŝian buŝon mute. –
 Forkisis ŝiajn larmojn mi,
 Al mia am' subiĝis ŝi.

Al mia am' subiĝis ŝi,
 Sed iĝis mia sang' glaci';
 Ekmuĝis ĉirkaŭ mi la ter'
 Malfermis sin vulkan-krater'.

...

El ĝi la nigra ar' eliĝis
Kaj mia karulin' paliĝis!
El mi brak' foriĝis ŝi,
Tutsola restis stari mi.

Mirige dancis tiam tie
La nigra ar' ĉirkaŭe ĉie,
Kaj altrudiĝas, kaptas min,
Mokride, kriĉe turnas sin.

La cirklo malvastiĝis pli,
Sonadis aĉa melodi':
Doniĝis for la beatec',
Perdiĝis vi en eterneĉ'.

*Traduko de la Germana poemo "Buch der Lieder, Traumbilder VI" de HEINRICH HEINE (*1797-12-13 – †1856-02-17) en Esperanton de MANFRED RETZLAFF (*1938-11-04) en 1984.*

MR-125-1 / Arg-690-1392 (2012-12-03 17:19:59)